

SKURWEKOP KAMP: 26 Februarie 2017



Skurwekop bly 'n pragtige terrein wat baie mooi versorg is. Dit is ook baie lekker vandat hier nou baie meer skaduwee is. Ons geniet almal hierdie kamp sommer baie!

Dis waar sy naam vandaankom. Almal geniet dit ook om bietjie op die rivier te roei as hulle 'n kansie het!



Vrydagaand het ons kampeiers, Rhona & Martin ons lekker bederf met `sjampanje & snacks`! Dankie julle dit was heerlik!



Almal het lekker
saamgekuier – gesmul – en
gesels oor sommer ‘n ieder
en ‘n elk.

Die vure is later aangesteek – en toe is daar nog lekker
saamgebraai ook.

Manne kan nooit ‘n aand afsluit sonder ‘n vuurtjie nie!





Saterdag-oggend is begin met 'n heerlike gesamentlike ontbyt. Mens kan mos nie die dag aanpak sonder 'n lekker ietsie in die maag nie.

Na ontbyt is die pad gevat ... hier is darem net te veel te sien in die omgewing. Robertson se boere mark is eerste besoek en allerhande lekker vars gebak en eetgoed is daar gekoop.

Mooi gebreide hangers en ander goedjies is ook gekoop.



Party het Klipdrift brandewyn kelder besoek en 'n baie interessante kelder toer hier gedoen. Ongelukkig mag geen fotos binne-in die kelder geneem word nie – "flash" kan ontploffing veroorsaak met al die "dampe" wat daar binne is! Die was 'n baie interessante toer.

Daarna is 'n klompie van die brandewyne geproe saam met die gepaste soetgoed.



Dit is van die brandewyne wat hulle verkoop – en die baie interessante horlosie versameling wat hulle het.



Met die storie – dat die eerste brandewyn presies 2 minute oor agt gemaak is! Hier is die bewys!



Daarna is 'n spesiale klein privaat kelder – Tanagra – besoek waar ook wyn en witblits (hul spesialiteit!) geproe is.



Hulle het ook baie oulike gastehuisies wat hulle verhuur hier op die pragtige plaas!





Saterdagmiddag het die manne lekker rugby gekyk.

Daarna is daar lekker gebraai die aand – party het ook heerlike potte gemaak – ons het bo-baas kokke hier by ons!



Sondagoggend het ons almal vergader en Martin het vir ons 'n pragtige insiggewende boodskap gebring. Dankie aan hom daarvoor.

Baie dankie vir 'n lekker naweek – hier ontvang ons kampeiers, Rhona & Martin hulle kampeiers-plaatjie!





Marius & Alma ontvang hulle 100 streek plaatjie!

Baie geluk aan julle! Welgedaan!

Mike & Erna ontvang hulle 40 streek plaatjie!

Baie geluk aan hulle!



Wouter en Louise ontvang hulle 10 Streek plaatjie –

Baie Geluk julle! Mag daar nog vele kampe wees!



Ons het 2 van ons oudlede wat vir 'n tyd in
Zambië gewoon het – weer by ons welkom
geheet en hulle is ook voorgestel.

*Louis & Rika Bester – mag julle nog baie lekker
kampe saam met Noord-Boland doen!*



Tot volgende keer.....

Sien julle by die Nasionaal ~ te Yzerfontein!

Veilig sleep!

Fotoblad saamgestel deur:

Corrie Schmiedeskamp